



UNIVERSITÄTS-  
BIBLIOTHEK  
PADERBORN

**Demonstrationes  
Chronologico-Historico-Juridico-Canonicæ**

**Callenberg, Caspar**

**Coloniae, 1734**

Præclarissimum Attestatum Duorum Testium, omni exceptione majorum,  
& Notarii Apostolici de Statu Collegii Monasterio Belisiensis, vulgò  
Münsterbilsen Freckenhorstensi per omnia simili.

---

[urn:nbn:de:hbz:466:1-63192](https://nbn-resolving.org/urn:nbn:de:hbz:466:1-63192)



PRÆCLARISSIMUM  
 ATTESTATUM

Duorum Testium , omni exceptione majorum , & No-  
 tarii Apostolici de Statu Collegii Monasterio Belisientis,  
 vulgò Münsterbilfen Freckenhorsteni per  
 omnia simili.

*Lit. B.*

*In Nomine Domini. Amen.*

**N**OS infrascripti Testimonium Veritati perhibere rogati  
 de Statu Monasterii Belisientis ( quod vulgò Münsterbil-  
 fen , vel Collegium S. Amoris, & S. Landradæ appellatur , &  
 in Diœcesi Leodiensi situm est ) perbene informati testamur,  
 ut sequitur:

Primò, quòd præfatum Monasterium Belisiente reverâ  
 fit *Collegium*, seu *Capitulum Seculare Canonissa-*  
*rum*.

2dò, quòd Domina Abbatissa illius Monasterii, seu Col-  
 legii non sit, nec soleat esse Persona *Religiosa*, hoc  
 est, trium Votorum *Professa*;

Z

3tiò,

3tiò, quòd Monasterium seu Collegium hoc fit *mixtum* ex *Canonicabus & Canonicis*, ex quibus *constituitur*.

4tò, quòd *Canonisse*, ut diximus, sint *Seculares*, non *Regulares*, habitantes *seorsim* in suis *Curiis Præbendalibus*; non autem *communiter*, in uno *clauastro* more *Regularium*.

5tò, quòd Canonici præacti Collegii pariter sint *Seculares*, *seorsim* in *Curiis Præbendalibus* vel propriis *habitantes*.

Atque hoc Testimonium juramento, quodocunque requisiti fuerimus, lubentissimè confirmabimus. Datum Aquisgrani in Diœcesi Leodiensi, circiter octo horis à Monasterio Belisfensi, 30.<sup>ma</sup> Maji 1733. & erat subscriptum, L.W. de Fraipont. P. D. Winckeles.

Suprapositum Attestatum à duobus his attestantibus in meâ personali præsentia, & duorum aliorum Testium specialiter ad hoc requisitorum, nominatim Henrici Kesselkaull & Hyacinthi Forst in ædibus meis locagio conductis sub Claustro Regalis Ecclesiæ B. V. M. Aquensis, juxta ambitum hujus Ecclesiæ Basilicæ sitis, in inferiori Camerâ, versùs plateam (vulgò *Closter Gäßgen*) jacente propriis illorum atque horum manibus subscriptum & signatum esse testor requisitus Ego Joannes Paul. Lambrichs Sac. Apostolicâ & Cæsareâ Auctoritatibus Notarius Aquisgrani residens publ. Qui idem Attestatum omninò verum esse confirmo ex causâ scientiæ, quòd circa, & in ipso Festo Nativitatis Sancti Joannis Baptistæ 1732. per aliquot dies in ipsomet loco prædicti Collegii præsens fuerim, & Statum taliter, uti præmissi attestantur, consistere ipsemet vidi & adverti, prout manu signoque Notariatûs mei

con-

confirmo mpp. & erat subscript. Henr. Kesselkaull Theologus Emeritus, quâ testis. Hyacinthus Forst Metaphysicus, quâ testis.

(L. S.)

Pro verâ copiâ authenticâ cum Originali minutâ, penès me Notarium permanente, & semper reperibili omninò concordante attestor manu signoque Notariatûs mei propriis.

JOANNES PAUL. LAMBRICHS  
Notarius Apostolico-Cæs. publicus  
qui suprâ.



Lit. C.

COPIA RESPONSI  
COLONIENSIS  
UNIVERSITATIS.

CUM Nobis Decano, Seniori, cæterisque Doctoribus & Professoribus ordinariis, *Facultatum Utriusque Juris* in Almâ Universitate Generalis Studii Coloniensis tres sequentes Propositiones :

Z 2

PRIMA,

## PRIMA,

An Canonissarum *Secularium*, singulariter extra  
*communitatem habitantium*, & cum Canonicis *Se-*  
*cularibus Capitulum constituentium* Abbatissa debeat  
 esse Tricennalis juxta Capitulum Indemnitatibus 43.  
 §. Supradicta de Elect. in 6. ?

## SECUNDA,

An id ita moraliter certum & evidens sit, ut nemo  
 rectè contrarium *docere, consulere vel judicare* possit?

## TERTIA.

An Jus *Capitis Indemnitatibus* sit in *viridi obser-*  
*vantiâ*?

Propositæ fuerint, cum petitione: ut ad singulas *Quæstiones*  
 Responsum brevissimum, non additis sed reservatis *Rationi-*  
*bus*, demus:

Nos præviâ diligente singularum *Quæstionum* examinatione  
 ad Singulas resolvimus:

Ad *Quæstionem primam*; *Affirmativè.*

Ad 2dam; pariter *Affirmativè.*

Ad 3tiam; quoque *Affirmativè.*

Cùm autem *Rationes* decidendi pro hac vice non petantur;  
 Nos eas Nobis reservamus, cum oblatione; si eæ à Nobis fue-  
 rint requisitæ, pro exigentiâ ad quamlibet *Quæstionem* dare  
 paratos esse. In quarum fidem has *Resolutiones* Nostras ma-  
 jore *Facultatum* nostrarum *Sigillo* muniri iussimus. Coloniae  
 ad Rhenum 6ta Decembris 1732.

(L. S.)

COPIA

Lit. D.

COPIA RESPONSI  
UNIVERSITATIS  
TREVIRENSIS

NOs Decanus, Doctores, ac Professores Collegii  
Ictorum Almæ, & Antiquissimæ Universitatis Stu-  
dii Generalis Trevirensis notum facimus, & præ-  
sentium declaramus tenore Literarum, Quæstiones tres  
cum subscriptâ petitione, ut ad singulas earundem Quæ-  
stionum, Responsum Juri brevissimum daremus, & ex-  
pediremus, fuisse propositas, quarum quidem Quæstio-  
num erat

## P R I M A.

An Canonissarum Secularium singulariter extra communitatem ha-  
bitantium, & cum Canonicis Secularibus unum Capitulum consti-  
tuentium Abbatissa debeat esse triginta annorum juxta Ca-  
pitulum Indemnitatibus. 43 §. Supradicta de Election. in 6to.

## S E C U N D A,

An id ita Moraliter certum sit, & Evidens, ut nemò rectè  
contrarium docere, consulere, vel judicare possit?

## T E R T I A,

An Jus Capitis Indemnitatibus sit in viridi Observantia?  
Cum verò post maturum harum ipsarum Quæstionum exa-  
men unanimi voto censuerimus, respondendum esse juxta  
modum sequentem, videlicet Ad

Ad Quæstionem primam, *Affirmativè.*

Ad Quæstionem secundam, *Affirmativè.*

Ad Quæstionem tertiam, non constare nobis de Ob-  
servantiâ Juri istius Capituli contraria:

Placuit tam in præmissæ Declarationis, quàm in hujus ad  
singulas Quæstiones dati brevissimi Responsi (cujus Rationes,  
ut primum fuerimus requisiti, justâ deductione superadde-  
mus) fidem mandare; quatenus præsentibus Sigillo Collegii  
Nostri muniantur, ac per ejusdem Collegii Notarium sub-  
scribantur. Augustæ Trevirorum die 25<sup>ta</sup> Octobr. Anno  
Domini 1732.

(L. S.) *Ex Mandato Speciali Amplissimi,  
Prænobilis ac Consultissimi Do-  
mini Decani Collegii suprame-  
morati,*

DAMIANUS HARTARDUS KAISER,  
Notarius Sacris Apostolicâ, ac Imperiali  
Authoritatibus publicus, nec non Univer-  
sitarum Pedellus juratus m. pp.

Sigillum præsentibus appressum esse genuinum Sigillum  
Inclytæ Juridicæ Facultatis Trevirensis, ac Discre-  
tum Virum Damianum Hartardum Kaiser ejusdem  
Facultatis Notarium ac Pedellum Attestor

J. Herbert Notarius Publicus, & Almx  
Universitarum Trevirensis Scriba m. pp.



AD  
Z O I L U M.

Oras *Zoile* me, Rogásque semper:  
Dic VERUM mihi Marce, dic amabo:  
Nil est, quod audiam magis libenter.  
Durum est, me tibi, quod petis, negare:  
VERO VERIUS ergo quid sit, audi:  
VERUM, *Zoile*, non libenter audis.

Martialis Libr. 8. Epigrammate 76. in *Gallicum*, cui substituo *Zoilum*.





L I C E N T I A C E N S O R I S  
O R D I N A R I I.

**P**raesens *Tractatus Demonstrativus Chronologico - Historico-  
Juridico - Canonicus*, nihil Fidei Orthodoxae aut bonis  
moribus adversum complectitur, sed praecleara plurima  
pro eruenda Veritate Materiae exhibitae continet; ideoque  
pro luce publicam imprimi permittitur. Signatum Coloniae  
Agrippinae primam Februarii 1734.

JOANNES NEUMAN *J. U. D.*  
*Collegiatarum SS. Severini & Cuniberti Ca-  
nonicus, & ad SS. Apostolos Decanus,  
Proto-Notarius Apostolicus, Serenissimi  
& Reverendissimi Principis Electoris Co-  
loniensis Consiliarius Ecclesiasticus ac Libr.  
Censor Ordinarius m.pp.*

A P P R O B A T I O.

**I**n praesentibus Demonstrationibus Chronologico - Historico - Juridico - Ca-  
nonicis nihil invenio bonis moribus aut Fidei contrarium, ideoque Li-  
centiam easdem pro eruenda veritate typis excudendi concedi posse existimo.  
Signatum Coloniae 17. Januarii 1734.

ADAMUS HAUSMAN  
*Ss. Theologia Doctor m.pp.*

A P P R O B A T I O.

**D**emonstrationes Chronologico - Historico - Juridico - Canonicas &c. evin-  
centes, quod Electiones Abbatissarum in Collegiis Saecularibus utriusque  
Sexus subsint *Cap. Indemnitatibus. 43. de Elect. in 6.* attentè perlegi, nihilque  
inveni Orthodoxae Fidei, aut bonis moribus contrarium, quominus in subsidium  
Veritatis Canonicae, quam copiosè, solidè deductam continent, praesens beneficio  
publico communicari possint. Ita censeo Coloniae hac 20. Januarii 1734.

Fr. THOMAS SCHMITZ *Ord. S. B.*  
*Ss. Theologia Doctor m.ppria.*